

施註蘇詩卷之一

遵查初白先生批用硃筆
遵查澹遠先生批用墨筆

漫堂先生宋 桯

閱定

毗陵邵長蘅

刪補

樸園先生張榕端

商丘宋 至

詩四十七首

起嘉祐辛丑十二月赴鳳翔任盡
壬寅在鳳翔作 施註缺今補

辛丑十一月十九日既與子由別於鄭州西門

之外馬上賦詩一篇寄之

中年作尚欠老氣

不飲胡爲醉兀兀。此心已逐歸鞍發。歸人猶自念庭闈。
今我何以慰寂寞。登高回首坡隴隔。惟見烏帽出復沒。
苦寒念爾衣裘薄。獨騎瘦馬踏殘月。路人行歌居人樂。

僮僕怪我苦悽惻。亦知人生要有別。但恐歲月去飄忽。
寒燈相對記疇昔。夜雨何時聽蕭瑟。君知此意不可忘。
慎勿苦愛高官職。

公自注嘗有夜雨對牀之言故云爾

杜詩烏帽塵拂青螺粟韋應物與元常全真二生詩那知風雨夜復此對牀眠王
注子由與先生在懷遠驛嘗讀韋詩至此句惻然感之乃相約早退共為閒居之
樂其後子由與先生彭城相會有詩曰逍遙堂後千尋木長送中宵風雨聲悵喜
對牀尋舊約不知漂泊在彭城先生在東府雨中作示子由詩有曰對牀定悠悠
夜雨今蕭瑟蓋皆感歎追舊之言也

和子由澠池懷舊

漢書弘農郡澠池縣注景
帝中二年初徙萬家為縣

人生到處知何似。應似飛鴻踏雪泥。泥上偶然留指爪。
鴻飛那復計東西。老僧已死成新塔。壞壁無由見舊題。
往日崎嶇還記否。路長人困蹇驢嘶。

公自注往歲馬死於
二陵騎驢至澠池

賈誼弔屈原賦騰駕罷牛驂蹇驢兮杜
詩東家蹇驢許借我泥滑不敢騎朝天

次韻和劉京兆石林亭之作石本唐苑中物散

流民間劉購得之

京兆府卽長安也劉京兆乃劉敞字原父

都城日荒廢往事不可還唯餘故苑石漂散向一作尚人間

公來始購蓄不憚道里艱忽從塵埃中來對冰雪顏瘦

骨拔凜凜蒼根漱潺潺唐人唯奇章好石古莫攀盡令

屬牛氏刻鑿紛班班嗟此本何常聚散實循環人失亦

人得要不出區寰君看劉李末不能保河關況此百株

石鴻毛於太山但當對石飲萬事付等閒

河圖括地象地以石爲骨白樂天太湖石記今丞相奇章公嗜石於此物獨不謙
讓東第南墅列而置之以甲乙丙丁品之各刻于石陰曰牛氏石甲之上丙之中

歐陽公集古錄云嘉祐中
劉原甫出爲永興守長安
秦漢故都多古物奇器埋
沒于荒基敗冢往往爲耕夫
牧豎得之遂復傳於人間
而原甫又雅喜古器由此
所獲頗多

乙之下按奇章公牛僧孺也家語楚共王出遊亡其烏號之弓左右請求之王曰止也楚人失弓楚人得之又何求焉孔子聞之曰惜乎其不廣也宜曰人遺弓人得之而已何必楚也王注劉指漢李指唐也史記魏王豹至國卽絕河關司馬遷與任安晝死有重於太山或輕於鴻毛

壬寅二月有詔令郡吏分往屬縣減決囚禁自
十三日受命出府至寶雞號郤整屋四縣旣畢
事因朝謁太平宮而宿於南谿谿堂遂竝南山
而西至樓觀大秦寺延生觀仙游潭十九日乃
歸作詩五百言以記凡所經歷者寄子由

遠人懼水旱王命釋俘囚分縣傳明詔循山得勝遊蕭
條初出郭曠蕩實消憂薄暮來孤鎮登臨憶武侯崢嶸
依絕壁蒼茫瞰奔流半夜人啼急橫空火氣浮天遙殊

不辨風急已難收曉入陳倉縣猶餘賣酒樓煙煤已狼

藉吏卒尚呀咻

公自注十三日宿武城鎮即俗所謂石鼻寨也云孔明所築是夜二鼓寶雞火作相去三十里而見於武城

雞

嶺雲霞古龍宮殿宇幽

公自注縣有雞爪峰龍宮寺

南山連大散歸客走

音奏

吾州欲往安能遂將還爲少留回趨西號道卻渡小

河洲聞道磻溪石猶存渭水頭蒼崖雖有迹大釣本無

鉤

公自注十四日自寶雞行至號聞太公磻溪石在縣東南十八里猶有投竿跪餌兩膝所著之處

東去過郿塢孤城象

漢劉

公自注十五日至郿縣縣有董卓城象長安俗謂之小長安

誰言董公健竟復伍孚讎白刃

俄生肘黃金謾似丘平生聞太白一見駐行騶鼓角誰

能試風雷果致不巖崖已奇絕冰雪更凋鏤春早憂無

麥山靈喜有湫蛟龍懶方睡鉗罐小容偷

公自注是日晚自郿起至青秋鎮宿道過

從玄元皇帝廟詩

中得來

太白山相傳云軍行鳴鼓角過山下輒致雷雨山上有湫甚靈以今歲旱方議取之

二曲林泉勝三川氣象侔

近山薿麥早臨水竹篁修

公自注十六日至整屋以近山地美氣候殊早縣有官竹園十數里不絕

先帝

膺符命行宮畫冕旒侍臣簪武弁女樂抱笙篴祕殿開

金鎖神人控玉蚪黑衣橫巨劍被髮凜雙眸

公自注十七日寒食自整屋東

南行二十餘里朝謁太平宮二聖御容此宮乃太宗皇帝時有神降於道士張守真以告受命之符所爲立也神封翊聖將軍有殿

邂逅逢佳

士相將弄綵舟投篙披綠荇濯足亂清溝晚宿南谿上

森如水國秋遶湖栽翠密終夜響颼颼

公自注是日與監宮張果之汎舟南谿遂留宿于

谿冒曉窮幽邃操戈畏炳彪

公自注丁八日循終南而西縣尉以甲卒見送或云近官竹園往往有虎

尹

生猶有宅老氏舊停輶問道遺蹤在登仙往事悠馭風

歸汗漫閱世似蜉蝣羽客知人意瑤琴繫馬鞦不辭山

寺遠來作鹿鳴呦。帝子傳聞李崑堂。髣髴像綏輕風幃幔。

卷落日髻鬟愁入谷。音浴驚蒙密登坡。費挽樓亂峰巉似。

槩一水澹如油。中使何年到金龍。自古投千重橫翠石。

百丈見游儵。音紬最愛泉鳴洞。初嘗雪入喉。滿鉶雖可致。

洗耳歎無由。公自注是日游崇聖觀俗所謂樓觀也乃尹喜舊宅山脚有授經臺尚在遂與張杲之同至大秦寺早食而別有太平宮道士

趙宗有抱琴見送至寺作鹿鳴之引乃去又西至延生觀觀後上小山有唐玉真公主修道之遺迹下山而西行十數里南入黑水谷谷中有潭名仙游潭上有寺

三倚峻峰面清溪樹林深翠怪石不可勝數潭水以繩縋石數百尺不得其底以瓦礫投之翔揚徐下食頃乃不見其清澈如此遂宿於中興寺寺中有玉女洞洞

中有飛泉甚甘明日以泉二鉶歸至鄢又明日乃至府忽憶尋蟆培方冬脫鹿裘山川良甚似

水石亦堪儔惟有泉傍飲無人自獻酬。公自注昔與子由游蟆培時方冬洞中溫溫如二三月

楚辭遠游下崢嶸而無地兮上寥廓而無天。注崢嶸深遠貌文選刻削崢嶸王注蒼茫字古人用皆平聲先生用作仄聲蒼字廣韻音麤朗而茫字上聲之莽去聲

之滌皆不收不知先生用之所出地志載三秦記陳倉以山得名山有石雞與山雞不別趙高燒山山雞飛去而石雞不去晨鳴山頭聞三十里蓋玉雞也唐至德二載更名寶雞史記封禪書秦文公獲若石云於陳倉北阪城祠之其神來常以夜光輝若流星從東南來集於祠城則若雄雞其聲殷云野雞夜雉以一牢祠命曰陳寶按雞爪峰蓋以此得名王注大散關秦蜀通途又西號號叔所封平王東遷號徙上陽故謂之西號後漢董卓傳築塢於郿高厚七丈號曰萬歲塢又塢中珍藏有金二三萬斤銀八九萬斤錦綺奇玩積如丘山袁紹傳卓議廢立紹勃然曰天下健者何必董公又卓傳越騎校尉伍孚忿卓兇毒懷珮刀刺之不中左右執孚孚大言曰恨不得磔裂姦賊於都市又王允與呂布謀誅卓李肅以戟刺之衷甲不入卓驚呼呂布何在布曰有詔討賊遂殺卓三十六洞天記第十一太白山洞周回五百里三秦謠武功太白去天三百選賦木不凋鏤王注偷字韻蓋方言取龍水謂之偷湫也西京賦右極盤屋并卷豐鄴之下李善注盤屋山名盤音周屋音質寰宇記山曲曰盤水曲曰屋故云二曲王注古謂伊洛河爲三川唐以劍南東西及山南西道爲三川釋名筮篨師延所作風俗通武帝禱祠太一后土令樂人侯調作坎侯言聲坎坎應節也因其姓號坎侯蘇林注作筮篨李賀筮篨引二十三絲動紫皇司馬相如賦乘鏤象六玉蚪劉燾曰翊聖像皆被髮跣足仗劍擾龍相承舊矣廣雅小風曰颼涼風曰颼周易大人虎變其文炳也說文虎文曰彪史記老莊傳老子見周之衰乃遂去至關關令尹喜曰子將隱矣彊爲我著書乃著書言道德之意五千餘言而去列子馭風而行淮南子有若士者謂盧敖曰子處矣吾與汗漫期于九垓之上詩曹風蜉蝣之羽毛傳渠略也朝生夕死王

注帝子唐玉真公主睿宗之女始封長昌縣主天寶三年上言妾高宗之孫睿宗之女陛下之女弟於天下不爲賤何必名係主號資湯沐然後爲貴請入數百家之產延十年之命帝許之與金仙公主皆爲道士青城山記玉真公主肅宗之姑也築室丈人觀玉真金仙二宮主真容見在女仙列傳西王母姓緱其所居有玄碧之堂唐王建溫門山詩曉入溫門山羣峰亂如戟百樂天詩噴時千點雨澄處一泓油東齋記事道家有金龍玉簡學士院撰文具一歲中齋醮投于名山洞府金龍以銅制玉簡以階石制莊子與惠子游於濠上儵魚出遊沈約詩百丈見游鱗唐張又新水記峽州扇子峽石中突而洩水獨清冷石狀如龜頭俗謂蝦蟆石其水煎茶爲第一

太白山下早行至橫渠鎮書崇壽院壁

馬上續殘夢不知朝日昇亂山橫翠幃落月澹孤燈奔

走煩郵吏安閒愧老僧再游應眷眷聊亦記吾曾

留題延生觀後山上小堂

王注觀後上小山有堂是唐玉真公主修道遺迹本朝端拱元

年奉敕賜此額

溪山愈好意無厭。上到巉巉第幾尖。深谷野禽毛羽怪。
上方仙子鬢眉纖。不慙弄玉騎丹鳳。應逐嫦娥駕老蟾。
澗草巖花自無主。晚來胡蝶入疎簾。

列仙傳蕭史善吹簫秦穆公以女弄玉妻焉遂教弄玉吹簫作鳳鳴一旦弄玉乘
鳳蕭史乘龍昇天而去淮南子羿得不死之藥於西王母姮娥竊之奔月姮娥羿
妻也乾鑿度蟾蜍體就
穴鼻始明注穴鼻兔也

畱題仙遊潭中興寺東有玉女洞洞南有馬融
讀書石室過潭而南山石益奇潭上有橋畏其

嶮不敢渡

終南圖經讀書臺
在縣城西一百步

清潭百尺皎無泥。山木陰陰谷鳥啼。蜀客曾遊明月峽。
秦人今在武陵溪。獨攀書室窺巖竇。還訪仙姝款石閨。

猶有愛山心未至不將雙腳踏飛梯

王注明月峽在古巴郡今在忠涪二州之境石壁有圓孔形如滿月蜀客則先生自謂武陵溪用桃源漁人事詳第六卷風水洞詩注後漢馬融傳融扶風茂陵人京兆摯恂以儒術教授隱於南山之陰融從其游學

石鼻城

注見前

平時戰國今無在陌上征夫自不閒北客初來試新險蜀人從此送殘山獨穿暗月朦朧裏愁渡奔河蒼茫間漸入西南風景變道邊修竹水潺潺

王注戰國指蜀魏也諸葛亮築此城以拒郝昭

礮溪石

注見前

墨突不暇黔孔席未嘗煖安知渭上叟跪石畱雙鬣一

朝嬰世故。辛苦平多難。亦欲就安眠。旅人譏客懶。

淮南子墨子無黔突孔子無爰席史記齊世家武王封師尚父於齊營丘東就國道宿行遲逆旅之人曰吾聞時難得而易失客寢甚安殆非就國者也太公聞之夜衣而行

犁明至國

郿塢

注見前

衣中甲厚行何懼。塢裏金多退足憑。畢竟英雄誰得似。臍脂自照不須燈。

後漢董卓傳尸卓於市天時始熱卓素充肥脂流於地守尸吏然火置卓臍中光明達曙如是積日

樓觀

公自注秦始皇立老子廟於觀南晉惠始修此觀

門前古碣臥斜陽。閱世如流事可傷。長有幽人悲晉惠。強修遺廟學秦皇。丹砂久窖井水赤。白朮誰燒廚竈香。

聞道神仙亦相過。只疑田叟是庚桑。

抱朴子臨汜縣有廖氏世老壽後移居子孫輒殘折他人居其故宅復累世壽疑其井水赤乃掘井左右得古人埋丹砂數十斛丹汁入井是以飲水而壽陶隱居引仙經术能除惡氣莊子老聃之役有庚桑楚者徧得老聃之道北居畏壘之山

九月二十日微雪懷子由第二首

岐陽九月天微雪。已作蕭條歲暮心。短日送寒砧杵急。冷官無事屋廬深。愁腸別後能消酒。白髮秋來已上簪。

近買貂裘堪出塞。忽思乘傳知戀切問西琛。

杜子美詩廣文先生官獨冷又詩白髮不勝簪漢書乘傳注師古曰傳者若今之驛古以車謂之傳車其後又單置馬謂之驛驢詩憬彼淮夷來獻其琛

江上同舟詩滿篋。鄭西分馬涕垂膺。未成報國慙書劍。豈不懷歸畏友朋。官舍度秋驚歲晚。寺樓見雪與誰登。

遙知讀易東牕下。車馬敲門定不應。

詩豈不懷歸。畏此簡書左傳。引逸詩。豈不欲往。畏我友朋。

病中聞子由得告不赴商州三首

王注子由與先生同舉賢科。子由以

許直得下第。除商州推官。而王介甫猶不肯撰辭告。未即下。故先生自去年十二月先赴鳳翔。至今年秋。子由方告下。以老泉傍無侍子。奏乞養親三年。此所以得告而不赴也。

病中聞汝免來商。旅鴈何時更著行。遠別不知官爵好。思歸苦覺歲年長。著書多暇真良計。從宦無功謾去鄉。惟有王城最堪隱。萬人如海一身藏。

近從章子聞渠說。

公自注章子惇也。

苦道商人望汝來。說客有靈慙

直道。逋翁久沒厭凡才。夷音僅可通名姓。瘠俗無由辨

頸顙答策不堪宜落此上書求免亦何哉

王注浦翁四皓也避秦隱於商山白樂天詩漢容黃綺爲逋客李商隱商於詩割地張儀詐謀身綺季長歐陽公汝癭詩無由辨肩頸

辭官不出意誰知敢向清時怨位卑萬事悠悠付杯酒
流年冉冉入霜髭策曾忤世人嫌汝易可忘憂家有師
此外知心更誰是夢魂相覓苦參差

病中大雪數日未嘗起觀號令趙薦以詩相屬
戲用其韻答之

經旬臥齋閣終日親劑和不知雪已深但覺寒無奈

一作那

飄蕭牕紙

一作紙牕

明堆壓簷板墮

公自注關中皆以板爲簷

風颭助凝冽幃幔

困掀

一作軒

簾惟思近醇醲未敢窺璨瑳何時反炎赫卻欲

躬白磨誰言坐無氈尚有裘充貨西鄰歌吹發促席寒
威挫崩騰踏成逕繚繞飛入座人歡瓦先融飲雋鉶屢
臥嗟予獨愁寂空室自困圯欲爲後日賞恐被遊塵浣
寒更報新霽皎月懸半破有客獨苦吟清夜默自課詩
人例窮蹇秀句出寒餓何當暴霜雪庶以躡郊賀

魏都賦著馴風之醇醲注以酒喻政王注璨瑳以玉比雪之明也後漢馮衍妻妒悍不畜媵妾兒女自操井臼以言勞則體中生熱也杜子美贈鄭虔詩才名三十年坐客寒無氈西京雜記司馬相如初與文君還成都居貧愁懣以所著鸛鵒裘就市人楊昌貴酒與文君爲歡左傳士文伯謂投壺之中曰中壺歐陽詩不覺長鉶臥墻曲韓退之詩勿使塵泥浣又新月憐半破

杜詩詩家秀句傳寒餓王注郊賀孟郊李賀也

歲晚相與饋問爲饋歲酒食相邀呼爲別歲至
除夜達旦不眠爲守歲蜀之風俗如是余官於

岐下歲暮思歸而不可得故爲此三詩寄子由

饋歲

農功各已收。歲事得相佐。爲歡恐無及。假物不論貨。山

川隨出產。貧富稱小大。寘盤巨鯉橫。發籠去聲雙兔臥。富

人事華靡。綵繡光翻座。貧者愧不能。微摯出春磨。官居

故人少。里巷佳節過。亦欲舉鄉風。獨唱無人和。

詩商頌歲事來辟左傳以相輔佐王符潛夫論富者競欲相過貧者恥不逮及也

別歲

故人適千里。臨別尚遲遲。人行猶可復。歲行那可追。問
歲安所之。遠在天一涯。已逐東流水。赴海歸無時。東鄰